

Na osnovu člana 44 i 112 Statuta općine Gornji Vakuf-Uskoplje (Službeni glasnik općine Gornji Vakuf-Uskoplje br:1/01 od 15.10.2001 godine) a u vezi sa članom 19. Odluke o izvršenju Budžeta općine Gornji Vakuf-Uskoplje br: 01-02.1-44/23 od dana 02.03.2023 godine (Službeni glasnik općine Gornji Vakuf-Uskoplje br:3 od dana 07.03.2023 godine) općinski načelnik
r a s p i s u j e

JAVNI POZIV
ZA DODJELU NOVČANIH SREDSTAVA ZA NABAVKU GRAĐEVINSKOG
MATERIJALA ZA REKONSTRUKCIJU I OBNOVU STAMBENIH OBJEKATA

I ..PREDMET JAVNOG POZIVA

Predmet Javnog poziva je dodjela novčanih sredstava za nabavku građevinskog materijala u cilju poboljšanja stambenih uslova na području općine Gornji Vakuf-Uskoplje.

II..OSNOVNI USLOVI

Pravo učešća na Javni poziv imaju /fizička lica/ povratnici, raseljene osobe, pripadnici drugih socijalnih grupa vlasnici/posjednici individualnih stambenih objekata sa prebivalištem na području općine Gornji Vakuf-Uskoplje, koji imaju potrebu za poboljšanje stambenih uslova u vlastitim stambenim objektima. Ukupan budžet sredstava za Javni poziv je 40.000,00 KM. Maksimalni iznos po korisniku za nabavku građevinskog materijala je 1.500,00 KM.

III..POTREBNA DOKUMENTACIJA

Pored zahtjeva potrebno je obavezno dostaviti dokumentaciju pod brojem od 1 do 9 :

1. Kopija lične karte podnosioca zahtjeva.
2. Kućna lista.
3. Dokaz o svim novčanim primanjima domaćinstva. Za zaposlene članove domaćinstva potvrda/uvjerenje o iznosu mjesečnih primanja. Za penzionere ček od penzije. Dokaz o primanju za korisnike socijalnih davanja od nadležnih Centara za socijalni rad ili primanja po drugom osnovu. (Ukoliko je domaćinstvo bez novčanih primanja ili neko od punoljetnih članova domaćinstva bez primanja dostaviti potvrde sa biroa za zapošljavanje.)
4. Dokaz o vlasništvu stambenog objekta (ZK izvadak, posjedovni list -ne stariji od 6 mjeseci- ili pravosnažno Sudsko riješenje o nasljeđivanju stambenog objekta)
5. Foto dokumentacija stambenog objekta. (Može printana crno/bijela slika objekta, prostorija)
6. Potvrdu o broju tekućeg računa u banci.
7. Potvrda o izmirenim obavezama prema JKP „Radovina” Gornji Vakuf-Uskoplje ili potvrda da nije obveznik prema JKP „Radovina”.
8. Potvrda o izmirenim obavezama JKP „Vodovod i kanalizacija” ili potvrda da nije obveznik prema istom.
9. Potvrda o plaćenju komunalnoj naknadi općina Gornji Vakuf-Uskoplje.
10. Dodatna dokumentacija (nije obavezna ali se boduje) je dokaz o pripadnosti članova domaćinstva ranjivim socijalnim kategorijama (članovi porodica poginulih boraca, osobe sa

invaliditetom od 70% i više, članovi porodica civilnih žrtava rata i bivših logoraša, korisnici stalne novčane pomoći).

Dodjeljeni građevinski materijal korisnici su dužni ugraditi o svom trošku. Maksimalni iznos sa PDV-om, u sufinansiranju općine za građevinski materijal po jednom korisniku je 1.500,00 KM. Bodovanje učesnika po Javnom pozivu će biti po osnovu Pravilnika o kriterijima za dodjelu novčanih sredstava za nabavku građevinskog materijala br: 02-24.1-1375/23 od dana 13.06.2023 godine.

IV..ROKOVI

Rok za prijavu na Javni poziv je 15 dana od dana objavljivanja na oglasnoj ploči i web stranici općine Gornji Vakuf-Uskoplje. Nepotpune i neblagovremene prijave neće se uzimati u razmatranje. Općinski načelnik će posebnom Odlukom imenovati komisiju koja će utvrditi preliminarnu listu korisnika i predložiti iznose sredstava općinskom načelniku, koji donosi Odluku o preliminarnoj listi korisnika za raspodjelu sredstava. Komisija može vršiti provjeru svih podataka iz aplikacije i izvršit će obilazak stambenih objekata svih podnosilaca prijava na Javni poziv. Odluka o preliminarnoj listi se objavljuje na oglasnoj ploči općine. Ukoliko budu neke prijave sa nepotpunom dokumentacijom, na preliminarnoj listi će biti navedene takve aplikacije i aplikanti će imati rok od 8 dana za dopunu dokumentacije. Svaki učesnik Javnog poziva može, u roku od 8 dana od dana objave Odluke o preliminarnoj listi, podnijeti prigovor načelniku općine. Poslije isteka roka za prigovore i dopunu dokumentacije načelnik općine će objaviti na oglasnoj ploči općine Odluku o konačnoj listi korisnika za dodjelu građevinskog materijala. Korisnik je dužan da izvrši ugradnju građevinskog materijala u roku od tri mjeseca od dana raspodjele sredstava korisnicima. Poslije toga će Komisija izvršiti obilazak korisnika u cilju provjere o ugrađenom materijalu i računa o nabavci istog materijala.

V..PODNOŠENJE PRIJAVE

Svi zainteresovani za učešće na Javni poziv obavezni su dostaviti traženu dokumentaciju sa obrascem zahtjeva. Obrazac zahtjeva može se preuzeti na portirnici općine, Službi za lokalni razvoj i stambeno komunalne poslove ili preuzeti sa web stranice općine Gornji Vakuf-Uskoplje. Prijave se predaju lično u zatvorenoj koverti putem protokola općine Gornji Vakuf-Uskoplje ili preporučeno putem pošte na adresu:

Općina Gornji Vakuf-Uskoplje

Služba za lokalni razvoj i stambeno komunalne poslove

Ulica Vrbaska bb 70240 Gornji Vakuf-Uskoplje

(prijave na Javni poziv slati sa naznakom **“Prijava na Javni poziv za dodjelu građevinskog materijala -NE OTVARAJ“**)

Sve informacije u vezi sa učešćem na Javni poziv mogu se dobiti na telefon br.030/494-068.

Broj:02-11.2-1376/23

Gornji Vakuf-Uskoplje Datum:13.06.2023 godine



